

Hs. 42, 91^b AIN ANDER PÜCH HEB SICH AN.

Es sas ain weib ob ainem schragenn,
 Der was glüt vol getragenn;
 Sy wolt sy wirmen genüg.
 5 Vil schir man sy schlaffen sach;
 Da zü der selben stündt
 Traum Ir pegündt,
 Wie komen zers ain michel tail,
 Dy wern resch vnd gail;
 10 Vor Ir sy schon sprängen,
 Sy pehürten vnd rüngen.
 Vnter Ir da nam sy ains war,
 Hs. 42, 92 Der was rat vnd wol gefarb,
 Er was resch vnd schnel,
 15 Lanck, gros vnd sibel,
 Der was der teürist vnter in allen.
 Ir träümbt, er wer gefallen
 Recht fur sy in dy glütt.
 Da wolt Im helffen dy gütt
 20 Vnd wolt in züchen aüs der not,
 Ir hent sy im ze hilf pant;
 Do pegraif sy ainen prant,
 Inn ir hent sy in bant
 Vil wunderleichen vaste.
 25 Sy sprach: Lige vnd raste!
 Dir ist vbel hie geschechen.

 Daz hembd pegunt ze prinen,

1. ? hebt. 3. Hiernach fehlen wohl 2 zeilen. 4. ? sich wermen.
 7. ? Träumen. 12. ? Unter in. 13. ? rot und wol gevar. 15. ? sinwel.
 20. ? ziehen. 21. ? pot. 27. Fehlt eine zeile oder mehr?

- Das war sie niemen,
 Vntz ez ir gie an den lieb.
 Vil laut schray das weib.
 Sy sprach: ich sach nie zerns haise.
 5 Das hambd sich vast ab in rais,
 Sy sprach: nu helt mir freuen!
 Da künen sy dar schawen
 Wol fünf zechen frawen.
 Sy wolten gern schawen,
 10 Was ir geschechen wär.
 Sy fragen sei der mār
 Vnd hülffen ir, das si genare.
 Da sagt si in, was ir geträumt ware.
 Do sprachen die frawen all gemain:
 15 Nü schbeig, hab dir den schaden ain,
 Greif dü dar nach vnden schragen,
 So schol dich fürpas niemant klagen!
 Hs. 42, 92^b Du must an vnser hilff verderbenn
 Vnd gar vnd gar sterben.
 20 Des antbort In dy gut sündler has,
 Sy sprach: wer er nit geraten pas,
 Ja hiet Ich Im nit geholffen.
 Waz mir darumb geschicht,
 Das gefelt mir vmb ain har nicht,
 25 Das ist mir durch mein trew geschehen.
 Ich wän, vnd hiet Ir in gesehen,
 Das er so resch vnd so pider wär,
 Ir hiet Im geholffen auß der schbar.
 Da sprach sy aber do:
 30 Nü schbeig vnd lig also!
 Dy hat dein grosse parmherczichait
 Pracht in grosse arbeit.
 Got helff dir pas, dan wir!
 Also gieng sy von Ir.
 35 Es ist war, daz geschach,

1. ? Des warnte sie. 2. ? leib. 4. ? zers so heiß. 5. ? hemd sie
 vaste ab ir. 6. ? holt. 7. ? Do kamen si. 16. ? undern. 28. ? swær.
 29. ? sprachen. 31. ? Dich. 34. ? giengen. 35. ? daz diz.

